

畿輔通志卷一百八十七

錄五 宦績五 明二

王倬

李瓚

彭韶

楊繼宗

李田

項忠

李裕

張諫

徐鏞

朱瑄

張鼎

侶鍾

張愷

何喬新

俞盡

張錦

郭鏜

鄭甯

何鑑

余子俊

汪霖

趙鑑

張海

畢亨

丁川

傅皓

陳希文

葉淇

韓倫

何瑛

章律

趙英

陳猷

王欽

王溥

童潮

何琛

周晟

丁連

李瀚

趙寬

顧佐

王禴

李紀

杜中

王清

張鐸

謝綬

張縉

張綸

宋漢

田濟

余瓚

李愚

王鑑之

張黻

張繼

陶永淳

陳世良

熊宗德

劉昂

秦民悅

李進

趙弼

劉鷟

張鸞

江宏濟

熊繡

朱應昌

李勳

張夢輔

羅綺

李德美

劉鑑

史英

姜昂

文皓

潘洪

陸愉

徐以貞

章忱

張清

吳鳴鳳

劉竑

喬良

魏富

洪鍾

張憲

韓重

徐懷

趙鶴

屠勲

錢如京

高銓

王璟

李璽

張淳

史琳

童瑞

劉道立

王沂

雍泰

孟鳳

李介

徐讚

秦偉

王雲鳳

解延年

劉大夏

熊翀

呂獻

王佐

舒向

張守

馮琨

洪異

陳讓

莊禪

高廸

吳賢

董樸

董傑

譚綬

周倫

陳言

劉淮

毛思義

呂鑑

張表

段釗

鄭燭

劉孝

洪遠

陳希良

劉溥

劉田

王憲

許肅

康厚

郭紕

韓廉

唐澤

軒惟明

陳欽

言芳

解經

林璵

華津

顧璘

李深

許讚

鮑琦

李嘉祥

王懋中

唐錦

陸崑

華珩

梁渠

王爵

戴敏

馮銳

關瑜

方榮

徐淮

閻鎬

張潤

楊廉

李浩

楊旦

董建中

楊武

江淵

顧世隆

王曄

伍符

蔣暘

景濤

王應鵬

林廷玉

蕭鳴鳳

陸鼐

施儒

張鍵

呂盛

楊燧

胡文璧

于鏊

涂禎

徐問

劉璟

王純

路迎

王時中

周敘

趙璜

周璽

侯國治

張文魁

楊淳

張英

周臣

王浚

汪循

張汝舟

秦撰

郭名世

申良

馬錄

張元電

張鉞

胡守約

祁鯨

黨承志

王漳

惠隆

何詔

羅玉

喻茂堅

程櫛

李瑾

張奇

彭澤

張士隆

馬昊

陳素

潘中矩

張茂蘭

王瑁

韓璧

劉璋

彭杰

張潛

張羽

張偉

朱概

許汝進

馬卿

金賢

朱紈

張衍瑞

張治道

盧煦

劉鸞

喬璽

許泰

姜千

蔣舜民

高夔

何塘

張漢卿

潘塤

邵永

初賢

王納誨

王勳

段豸

成文

伊伯熊

李鴻

王翊

仇相

張夢鯉

戴金

周期雍

汪玉

許論

劉畿

蔣淦

萬鏗

阮鶚

劉淑相

張登高

王忬

楊博

馬應龍

楊兆

劉麟

楊守謙

林廷楫

許宗魯

楊大章

樊繼祖

吳瀚

劉廷臣

蘇士潤

裴紳

趙鏜

王鳳靈

東漢

葉夢熊

廖逢節

溫景葵

王璣

王冕

吳嘉會

倪宗嶽

曹亨

于鯨

茅坤

徐炳

周金

王應

劉源清

毛伯溫

江東

張祿

翁萬達

祝雄

宋儀望

陸坤

周復俊

陳策

毛愷

張守中

孫隆

王乾元

吳煥

王業

朱鳳儀

王文秀

歐陽瑜

吳嶽

嚴清

閻溥

李新芳

李尙智

陳善

蕭文清

谷中虛

易鴻

李秉燹

周道

戚賢

周冕

高翀

張寅

崔廷槐

趙希夔

辛吉

胡政

張梅

彭好古

胡諧

蘇祐

潘恩

楊汧

明

王倬字用檢太倉州人成化戊戌進士以右副都御史巡撫順天等府時屬縣大饑人相食奏請通州米十萬石賑之以

尙煩轉輸旦夕莫保乃許在邊官軍俸糧預支兩月益以餽
直而以官軍所在俸糧給散饑氓軍民兩利焉時虜射死參
將陳乾總兵太監合兵討之屯馬蘭峪倬曰虜知吾兵屯西
必且東入乃命指揮葉鳳率兵伏山下虜果毀東牆入伏發
斬獲六十餘級奪回男女千餘御史劾指揮十七人臨陣退
縮當斬倬曰未經督委何得退縮十七人皆得免

分省人物考

李瓚成化間以副都御史整飭薊州等處兵備兼巡撫順天
保定等府地方提督紫荆等關經略東南二路築長峪堡城

募兵設隘勞績著聞賜白金文綺進尙書

明一統志謹案分省人物考云李

瓚字宗器濮州人宏治間進士累官都御史巡撫順天經略邊塞繕治城隍募兵設隘勞績懋著憲臣列其事賜白金文綺進尙書事蹟與此略同或卽一人而年代誤歟

彭韶字鳳儀莆田人天順元年進士成化初奉命覆勘周瑄

奏乞武強武邑民田不及賦額者詔周視歸上疏自劾曰真
定田自祖宗時許民墾種卽爲恒產臣誠不忍奪小民衣食
附貴戚後復以右副都御史巡撫順天永平二府均大興宛
平諸縣徭役劾奏鎮守中官陶宏罪孝宗卽位召爲刑部右

侍郎

明史

楊繼宗字承芳陽城人天順初進士成化中以右僉都御史
巡撫順天畿內多權貴莊田有侵民業者輒奪還之按行關
塞武備大飭

同上

李田字舜耕嘉魚人景泰甲戌進士成化初累遷副都御史
巡撫京畿歲饑發廩賑之嘗建議增漕以足邊餉嚴令以警
邊烽給財以市戰馬設法以充隊伍專任以責成功立禁以
息囂訟皆允行之中官汪直用事怒其不私謁遂嗾之歸

分省

人物考 明史李承勳
傳田巡撫順天有操執

項忠字蓋臣嘉興人正統壬戌進士成化庚寅秋京畿大水

民饑命巡視順天河間永平三府忠發官廩又勸分得米十

六萬五千石銀布牛俱各萬餘全活不可勝計

分省人物考

李裕字資德豐城人景泰甲戌進士成化庚寅順天府尹請

寬徵需革和買禁田土投獻罷官校供應皆從之給引不入

錢每引止輸楮鈔各二張自裕始遂著爲令

分省人物考
明史裕爲順天

府尹政
聲大著

張諫畢節人成化中順天府尹修建學宮規制大備以懇直

謫太僕寺卿

雍正志 謹案分省人物考作赤水衛人正統
己未進士歷官順天府尹以直言謫守萊州尋

召爲太
僕卿

徐鏞字用和興國州人成化己丑進士授行人陞監察御史

巡通州倉念漕卒困於掊克酌定收納常則奏行之遂著爲

令時濬大通河上疏論其不便已而果然

分省人物考

朱瑄字廷璧鄆縣人成化己丑進士授工部都水司主事督理通州諸倉兼出納官甃時倉圯者八百室人弗治乃程力役信賞罰不踰年修飭具備新剏者又四分之一而人不告勞及朝京復委修蘆溝橋隄

張鼎字大器咸甯人成化二年進士都察院右僉都御史巡撫保定至則令各府沿路築牆以禦盜賊衝突至今旅人賴之爲永利焉

同上

侶鍾字大器鄆城人成化二年進士累遷右副都御史巡撫保定諸府河間瀕海民地爲勢家所據鍾奪還之民召爲刑

部右侍郎

明史分省人物考鍾巡撫保定卻守關者饒金河間瀕海淤地舊爲豪家所種占者悉奪還之民

張愷字元之無錫人成化甲辰進士授兵部主事守山海關

關故藉錢於旅人以給官用愷移檄永平府使量出關帑代

其費至今便之

分省人物考 雍正志云愷由進士任山海兵部主事操持嚴介有冰檠聲關舊法止驗

籍與年愷始稽貌以杜詐冒至今因之

何喬新字廷秀江西廣昌人景泰甲戌進士成化間累遷至

刑部左侍郎會小王子寇大同殺邊將畿內驚駭紫荆居庸

二關尤急時敕巡邊相險阻築城堡簡精壯礪器械爲戰守

備嘗謀知小王子營在邊守者多老弱又請選精兵間道出

擣之會潛遁不果用

俞蓋字廷臣桐廬人成化中以進士拜監察御史出按真定

等府中貴人傳恭家豪斂民田前御史脂韋兩端莫敢辨蓋

毅然割其田還與民且劾奏恭不法獲其黨惡者數人治之

時恭方幸於上衆爲蓋危事且不測竟獲免

張錦字尙綱秦安人成化己丑進士擢都察院右都御史巡撫宣府直枉除弊兵民畏服劾罷中官武將守備不職者間登陣望見武帥家假山甚麗怪之其家聞之遂自撤去虜報猝至或欲議請官軍適朝廷遣中使就議附奏以爲不必遣竟以無他請立萬全左衛龍門所學置天下武學歲貢額皆舊所未備也丁父憂服闋巡撫保定諸府兼督紫荊諸關未行遷官

郭鏜字子聲恩縣人登進士僉都御史成化中巡撫宣府大同奏置平虜城宣甯等堡以備捍禦劾中官之憑藉不法者尋改遼東

鄭甯字志道世爲祥符人正統壬戌進士成化戊子以都御

史巡撫宣府時盛暑築城堡工役數千人天久旱有司祈禱
莫應曰此勞民弗息之徵也乃下令罷工是夕天大雨穡事
有秋邊人胥悅辛卯丁內艱歸詔奪情起復仍舊職再至鎮
軍民咸迎拜喜曰我公來矣逾期移鎮大同

何鑑字世光新昌人成化己丑進士丙申以御史巡口北宣
同等處時中貴廖禮協參將周賢按妖人趙大事因誣良民
百餘人以聞上命復按失實論死者止三人徒者四人餘得
免奉勅會給事中唐章查盤邊儲芻糧乃論黜監司以下不
職者數十人連劾巡撫都御史鄭甯殷謙停俸餘皆置之法
時權要子弟以攬納妄繩部運官吏因并論部下裨將孟璽
胡觀等置於法者四十餘人皆落職邊境肅然戊戌巡京倉
首禁需索逮總督太監等麾卒置於法總督怒搆東廠下鑑